

# Seminar bincang kaedah unik rawat penagih

ANITA ABU HASAN

UNTUK pulih daripada ketagihan dadah bukan semudah merawat sakit kepala. Beri sebijik ubat, sudah hilang penyakit.

Sebaliknya memerlukan sentuhan kaedah holistik yang boleh meresapi jiwa penagih supaya positif sehingga tidak ingin menyentuh dadah itu semula.

Justeru Pusat Penyelidikan Dalam Penyalahgunaan Dadah Asia (ACREDA) bersama mahasiswa Sarjana Kaunseling, Fakulti Kepimpinan dan Pengurusan (FKP), Universiti Sains Islam Malaysia (USIM) membawakan khas Seminar Pencegahan Penyalahgunaan Dadah Peringkat Kebangsaan 2013 bagi membincangkan rawatan pemulihan berteraskan Islam dengan tema 'Amalan Holistik Rawatan Pemulihan Dadah'.

Pengarah ACREDA, Prof Madya Dr Mohd Rushdan Mohd Jailani berkata, seminar ini menjadi platform perbincangan dan perkongsian ilmu mengenainya

supaya dapat diaplikasikan oleh semua pusat rawatan pemulihan dadah berteraskan Islam di negara ini.

Pada masa sama mengajak masyarakat supaya lebih peka terhadap aspek ketagihan dadah melibatkan anggota keluarga masing-masing. Seterusnya mereka menyedari mengenai kepentingan mengetahui kaedah pemulihan terbaik untuk penagih dadah.

"Ketagihan dadah adalah suatu penyakit melibatkan roh, jiwa dan psikologi. Sekali terkena, seumur hidup merana. Bahkan banyak perlakuan jenayah berpunca daripada ketagihan dadah.

"Ia semestinya perlukan terapi penyembuhan holistik. Tetapi sayangnya, kita kurang kemahiran dan maklumat mengenainya," ujar beliau.

Dr Mohd Rushdan berkata, tidak menafikan atas beberapa faktor kekurangan termasuk kekurangan kewangan dihadapi oleh beberapa pusat rawatan, menerusi seminar ini juga ACREDA

berhasrat membantu merekadari segi pendekatan menangani penagih, kaunseling, aspek psikologi dan sumber manusia dalam usaha mewujudkan pusat pemulihan yang benar-benar boleh merawat individu terjebak dadah pulih sepenuhnya.

"Kita hendak rawatan terapi berasaskan pembuktian. Pada masa sama dedahkan bahuwa amalan agama Islam disertai kaedah unik seperti mandi pada tengah malam sambil berzikir sebenarnya boleh mengubati seseorang pesakit termasuk penagih dadah," katanya.

"Melalui seminar ini, kita akan berkongsi kaedah rawatan unik berdasarkan perspektif Islam itu.

"Inilah yang perlu masyarakat tahu. Pada masa sama mereka merasai keunikan cara Islam tersebut.

"Maka penting untuk melihat ini semua secara holistik bagi meningkatkan keyakinan masyarakat dalam usaha kita membantu penagih dadah pulih," akhirnya.

Karangkraf  
**PEDULI**  
MUAFAKAT

Memantapkan  
Perpaduan  
Bangsa

Karangkraf  
**PEDULI**  
MUAFAKAT

Memantapkan  
Perpaduan  
Bangsa

**RAWATAN PEMULIHAN  
BERTERASKAN ISLAM**  
**PREVIEW 2013**  
SEMINAR KEBANGSAAN PENCEGAHAN PENYALAHGUNAAN DADAH

*Masalah ini kian meruncing!  
la makin membunuh...  
la perlu difahami dan ditangani...  
la perlukan pendekatan yang lebih Islamik...  
la perlukan anda untuk bertindak...  
Masalah ini kian meruncing!  
la makin membunuh...  
la perlu difahami dan ditangani...  
la perlukan pendekatan yang lebih Islamik...  
la perlukan anda untuk bertindak...*

**AMALAN  
HOLISTIK  
RAWATAN  
PEMULIHAN  
DADAH**

HADIRKAN  
DIRI PADA  
SEMINAR  
INI!

**TARIKH : 21 - 22 Mei 2013 ( Selasa - Rabu)**

**MASA : 9 pagi - 5 petang**

**TEMPAT : Dewan Kuliah Pusat, Universiti Sains Islam Malaysia (USIM), Bandar Baru Nilai, Negeri Sembilan**

Anjuran:



Dengan Kerjasama:



Dibarakan oleh:



ASIAN CENTRE FOR RESEARCH ON DRUG ABUSE (ACREDA), UNIVERSITI SAINS ISLAM MALAYSIA & MAHASISWA SPADA 2013

MAJLIS AGAMA ISLAM SELANGOR

SINAR HARIAN & KARANGKRAF PEDULI MUAFAKAT

**HUBUNGI: 019- 4473775 (Husna), 019-7729957 (Zakaria) untuk maklumat lanjut dan tempahan tempat.**